



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

313

ՅԱՐ. ՔԱՂ. ԺՈՒՂՈՒՐԵԱՆ

# Գ Ի Ի Ղ Ի Ա Յ Ր Ի Ն

ՀԱՅԿԱՍՏԱՆԻ ԱՆՈՒՅՈՒՄԻ  
ԳՐԱՆՈՒԹՅԱՆ ԳՐԱԴԱՐԱՆ  
ԵՐԵՎԱՆԻ ԱՆՈՒՅՈՒՄԻ  
Տ Ի Գ Ր Ա Ն Ն Ա Գ Ա Ր Շ Ա Ն Ն Ի Ց  
18 ՆՈՅԵՄ. 1918 Տ. ԲԻԶՆԵՍ.  
«Աղբրմութիւն արեք, պարոն,  
Անտուն, անտէր աղբատին...»

Մ. Նալբանդեան

Թ Ի Փ Լ Ի Զ

Արագ. տպար. Մ. Մարտիրոսեանցի:

Մլխայելեան փողոց № 81.

1902

Մ. Գրիգորյանի համար

ՅԱՐ. ՔԱՀ. ԺՈՒՂՈՒԻՐԵԱՆ ԲԶ 6 NOV 2011

891.99

Կ-97

այ՛

15<sup>2</sup>/<sub>10</sub> 1902 թ.

# Գ Ի Ի Ղ Ի Ա Յ Ր Ի Ն

1001  
2318

«Ողորմունքի արեք, պարոն,  
Անտուն, անտեր աղբատին...»

Մ. Նալբանդյան



Թ Ի Փ Լ Ի Զ  
Արագ. տպար. Մ. Մարտիրոսյանցի:  
Միքայելյան փողոց № 81.

1902

26 JUN 2013

41/60

1901 JUN 26

Ա.

Дозв. пенз. Тифлисъ, 2-го Августа, 1901 г.

Մէջլում ապին հազար տարուայ մեռելների  
հտեից հասնելուց յետոյ, պարտքից աւել ոչինչ  
չթողեց խեղճ Սարգիւլի ու որբերի համար:

Գետնափոր և դատարկ խրճիթի, «գորտան  
քնի» դրան առաջ Սարգիւլի այտերն ամեն օր  
այրւում էին ու այրւում սգի արցունքներից:  
Բայց նրան մղկտեցնող սուգը չէթէ արդէն  
մղմուղ ընկած մեռած Մէջլումի համար էր  
այնքան, այլ՝ միմիայն շնչով կենդանի իւր  
ջլբաց որբերի համար, որոնք մերկ ու քաղցած  
մահուան դուռն էին դիմում:

Կեանք հօ չէր, սև՝ օր, սև պատուհաս, որ  
չգիտեմ ո՛ւմ մեղքիցը քաշում էին դառն աղ-  
քատ որբիկները: Նրանք, կարծես թէ չար բա-

դէի սուր ճանկերի մէջ բլբլուած և կամ բունի մէջ անսնունդ մնացած ճնճողուկի ձագեր լինէին, այնպէս էին հանգել, հատել ու ցամաքել: Զունչներն էր միայն դուրս գալիս, և, եթէ քթներից բռնէիր, այն էլ պիտի կտրուէր:

Ուտելիքները ոչ համով ու հոտով խորոված էր և ոչ իւզած վիւաւ. մի կտոր չոր ճաթ էր, այն էլ Աստուած գիտէր, թէ ով պիտի տար: Մէջլումը չկար, որ յոյսն իւր կռան, մանգալի, բահի և կամ քլնգի վրայ դրած՝ գնար շահով շէնացած և խիղճը մեռած վաշխառուից, մինին տասը տոկոս ետ տալով, ուրիշ աղքատների պէս պարտք անէր, բերէր նրանց կերակրէր, իսկ ինքը ծանր շահի տակ հեծեծելով, տնքար ու տնքար մինչի մահ գերեզման:

Գժուար բան, գժուար կացութիւն...

Մի թշուառ, մի անօգնական կիներմատ, վեց ագահացած որբ, ինչ անէր: Հակառակ բաղդի շնորհիւ ինքն էլ, Մէջլումն էլ որբ էին իրար պատահել, ամուսնացել. ոչ ազգական ունէին և ո՛չ մի սրտացաւ, որ սրտները թլկրտալիս կամ մի աման տաք կեներակրով և կամ մի սպտառ հացով օգնութեան դային: Մենակ մի ճախարակով և մի սանդերբով—սրա նրա մանածն անելով ու բուրդը գդելով, «էնքանի բուրդը անց պահէր և կամ լաշները նորէր»:

Ո՛հ, չեմ կարծում, թէ դժոխքի սատանաներն էլ այնքան անդուլթ գտնուէին, անարգէին, այնքան տանջէին նոյն իսկ մեղսալից մարդուն, որքան այն դառն աղքատութիւնը, որ լքացնելով անբաղդ այրուն, որի «ալրի պարկի փուշին» կտրուելուց բացի, ճաթի հացի փշրուներն էլ վաղուց էր հատել և անօթի թողել ագահացած որբերին, որոնք հացի պատառը տեսնելիս ուզում էին թէ իրանց մօրն ուտեն, այնպէս էին վրայ թափում ու խլում միմեանցից: Իսկ երբ այն պատառը կամ չէր ճարուում և կամ ուշ էր ձեռք բերում, նրանց դրութիւնը տեսնողը, նրանց սրտին, աչք ու արտասուքին նայողն արգէն այլևս առանց լացի, առանց կարեկցելու չէր գիմանում: Սառնասիրտ նկարագրել չի կարելի, թէ նրանք՝ թխսի շուրջը սվսուող սոված, անկուտ ճուտերի նրման, իրենց անճար մօրն ինչպէս էին աղերսում: Նրանց երկինք հասնող քաղցի ձայները, աւելին որ շասեմ, զգայուն սրտերի մէջ սրեր էին ցցում:

Նրանցից մինը մաղերը պզգուած, շապկի միմիայն օղը շինքին, մնացած մարմինը բոլորովին մերկ, քեղքեղուած ոտներով սլատի տակ կաթնած՝ ալի արցունք շափելով, մղկտում էր այս եղանակ:

—Վայ, նանի ջան... վայ, սոված եմ,  
վայ...

Միւսը նոյն դրուժեան մէջ երեսի վրայ  
գետին ընկած՝ նուստ էր խիստ թլացած:

—Նանի, հաց, հաց, հաց... սոված եմ,  
սոված եմ, վայ...

—Աճի, բա հլէ սաղ օրը սըհէ անօթի  
պտինք մ'նմալ,—յուսահատուած հարցնում էր  
երրորդը:

Չորրորդի ձայնն արդէն կտրուել էր շատ  
լացից և հեկեկանքը հազիւ էր լսուում: Հինգե-  
րորդը՝ մի ձեռը ծոցում, միւսով աչքերը տրո-  
րելով, բորիկ ոտքերը բարձրութեան անելով,  
հիւանդ ձագի նման խրճիթից հեռացած՝ ար-  
դէն դիմում էր հարևանի դուռը, թերևս նրանց  
երեսանց ձեռից ընկնող փշրանքներից կերա-  
կրուելու: Իսկ վեցերորդը, որ տեսարանն աւելի  
սրտաճմլիկ էր դարձնում, հարամի տղուկի  
նման մօր կրծքից կպած՝ ծծում, ցամաքեցնում,  
կռծում էր նրա առանց այն էլ ցամաքած, չոր  
տախտակ դարձած և հոգսերից ու հառաչանք-  
ներից մաշուած կուրծքը:

Բայց «միթէ բարի ծնողն իւր հաց խնդրող  
որդուն քար և ձուկն ուզողին զձ կտայ»\*:

\* Ս. Աւետարանից:

Խեղճ այրին աշխատում էր անձը զոհել, միայն  
մի կերպ ապրեցնել, սովից ազատել նրանց  
արդէն վտանգի ենթարկուած կեանքը, քանի  
դեռ շունչը բերանումն էր: Նա, երկու խան  
վարձատրութիւն ստանալու յոյսով, դնացել ու-  
նեւորների մէկից երկու սիւմակ բուրդ էր բերել  
մանելու. ուստի, արևը գլխին ընկած, քրտինքն  
ու աղի արտասունքն իրար խառնած, սիրտը  
լիքը, հոգին վշտացած, փաթիլները թրջելով,  
պտտում էր մանիչը, հայ տալիս կռներին և  
ջահրի տխուր ու կախարթիչ բռուցի հետ ձայնն  
իրար գցած՝ խիստ մորմորիչ եղանակով երգում,  
ուրում էր իւր խիստ ցաւոտ երգերը:

Օրն ու բիւթիւն մանմ, ջանս հանմ, բռուցնը՝ մ  
եմ ճահրս,

Ամա, վայ գլխիս, ծո՛վ, ծովից էլ մեծ ա դահրս.  
Տեղս դժա՛ր, տաշտս դարդակ, ան, ո՛ւր գնամ,  
ինչ անեմ,

Էսքան եթիմն ես մի ճահրով ո՞նց պահեմ:

Մինն էրկունն ու իրեքը շեն խեղճերը,  
Տես, տես. դժոխքից էլ վնթար ա հաները.  
Վեց հոգին հարամու պէս ջանիս թափած,  
Լալով, մղկտալով, հայց են ուզմ, ո՛վ Աստուած:

Բայց, մանիչը ձեռից յանկարծ բաց թո-  
ղեց այրին: Լուեց (ջահրի) ճախարակի սուգն  
ու բռուցը. նա, ըստ երևոյթին, կարծես յոգնեց

անդուլ մանելուց, բայց չէ, դարդերի ծովու-  
թիւնից ուշքը թուաւ և ձեռքը թլացաւ: Մի  
առ ժամանակ մնաց արձանացած, պէլացած,  
ապա դարձաւ իւր նուազկոտած որբերին,  
նայեց երկնքին ու չգիտեմ ինչ մրմնջաց, միայն՝  
աղերսալից աչքերը շուտով երկնքից սարերին,  
սարերից էլ ձգեց հեռու, հեռու տարածուած  
դաշտերին, ուր ամենի արտում հնչում էր ման-  
գաղը, երգում հնձողը և զնգում գերանդին,  
ուր բաղբաւորների շարիշար դրած բարդերն  
ու գէղերը ուղջունում էին հանդին, իսկ նրա  
որբերի գարին, Մէջլումի—տէրամեռ ծ'լարը մի-  
այն, դեռ էլի կծղում, դեռ էլի չորանում,  
կռթնում, տափիցն էր կաշում. և, կարծես լե-  
զու առած՝ վայ տէր, վայ հնձող էր կանչում:

Ծ'լարի տխուր, խիստ մորմորիչ ու սրտա-  
կտուր տեսարանն այրուն նորից հրդեհեց, նո-  
րից արտասունքի փոխարէն չմշկուած, թոռմած  
աչքերից կայծեր ու քթէն մուխ արձակեց:

Այդ միջոցին մի ոլորմած պառաւ, որ քա-  
նի մի անգամ հացով ու մածնով քաղցած երե-  
խանցն օգնութեան էր հասել, երկու դարու  
հաց կռան տակը դրած շտապում էր դէպի  
խրճիթը, որ մխիթարելով այրուողի սիրտը,  
որբերին «անսասանի», փրկի նրանց քաղցից:

—Ախճի, ա խեղճ ու նաշար, էդքան որ

լաց ես ըլում, բա աչքերիդ ինչ ջուղաբ ես  
տալիս, ուզում ես քոռացնես ու մի տուն քիւ-  
փաթիդ դռներին թողա՞ս: Լաւ, լաւ, որդի, աչ-  
քերդ սբբի ու առ, էս հացերն էրեխանցդ տուր,  
անսաս արա, մեղք են. վախիլ մի, Աստօժ իր  
ստեղծածներին կորցնիլ չի...

—էլ ոնց կորցնի, նանի ջան, եանի սրա-  
նից էլ աւել կորցնիլ. հրէ, հրէ, հլա մի տէրը  
մեռած արտիս մտիկ արա: Վայ, Մէջլում, քու  
մէջքդ չկոտրի, էս ինչ հալի թողեցիր մեզ...

Ասում, արտասուում ու լքանալով լքանում  
էր թշուառ այրին:

—Ախճի, դու հօ ղոշաղ ես, էդ խի ես դհէ  
էրեխայ դառել, առ, առ էրեխանցդ տուր, հերիք  
ինչքան լաց ըլար,—քաջալերում էր պառաւը:

Օրհնուած պառաւի ձայնն Աստուծոյ ձայնի  
նման հնչեց կարծես քաղցած որբերի ական-  
ջին և նուազկոտած տեղներից յարութիւն տուեց:  
Նրանք ձայնը լսելուն պէս իսկոյն վերկացան  
տեղներից և թաթները պարզած, սոված դառ-  
ների նման մօտենալով իրենց անբաղդ մօրը,  
մի մի պատառ խլեցին և ազահութեամբ աչք-  
ներն էլի ձեռքը յառած՝ սկսեցին շաքարի նը-  
ման կծոտել ու կծոտել:

Սարգիւլն արտասունքը սրբելով շնորհակա-  
լութիւն էր անում պառաւին, որի հեռանալուց

յետոյ, մի պատառ էլ ինքը բերանը դրաւ և տպա-  
գորակն ուսն առնելով, տխուր սրտով ու յամբա-  
քայլ ուղղուեց գէպի աղբւրը ջուր բերելու համար:

— Տղերք, մտիցս ընկնում ա, թէ հարցնեմ,  
էն խեղճ որբը վերին (որբ և այրին) ետրար ընչով  
ա պահում, ընչով ա ետա տանում էնքան քիւլփա-  
թը, — այրուն ցոյց տալով, հարցրեց մէկը:

— Վալլահ, ես էլ չեմ գիտում, Արթին,  
դուրժ ո՞նց ա պահում էնդագարի ըռէխը:

— Կարով, մանածով...

— Վայէ, զահրումար ըլի մանածի ու զգա-  
ծի պահած էրեխէն, նրանցով էրէխի փոք կը  
կշտանայ:

— Աստօժ վկայ, որ շատ դժար ա խրղճի  
բանը. տաշտըմը հաց չոռնեցող տղամարդն էլ  
չի կարում էրկտի ու իրեքի բողազը պահի, ո՞ր  
մնաց թէ էդ խեղճ ու նաշար կնիկարմատը:

— Մենակ բողազին պահելու գորդը խու  
չի, որ ետիրի թոկ ա գառել խրղճի վզին:

— Բաս:

— Պարտք էլ ունի, ու, էն անմրուաթն էլ՝  
գլխին ամեն օր կրակ ա անում, թէ տուր:

— Արա ի՞նչ ես ասում, զմրթ:

— Աստօժ վկայ, ասում են էլի բուշուլս կայ:

— Եանի էնքան եթիմների մեղքի մէջն  
ընկնելով, պտի առնի:

— Էդ ես միամիտ հա՛. տօ էն խու ասել ա՛  
հէնց որ գարու ծ'լարը հնձիլ, կանիլ տայ,  
պէտք ա գնամ գարին շափեմ ու հա՛ տանեմ:

— Պըի, ա՛րա, եանի էդ լսիլու, հւատալու  
բան ա՛, որ ասում ես:

— Անմեղ շես հաւատում. տասը մադու կըշ-  
տի ա ասել:

— Վըի, ա՛րա, բաս հըմանչըմ չի:

— Իսկի. հու քարը հու նրա սիրտը. հու  
կանչին, հու նրա իրեսը:

— Խի, Մարկոս ապի, բա դու գիտում շես,  
որ նրա ըրիսըմն ամօթ չկայ:

— Ամօթ, խղճատանք, որ ունենայ, թիւ-  
մանին տասը շահի, իրեք արասի շահ կառնի:

— Հա՛, հա՛. էլ ասում ես թէ ի՞նչ անես. գա  
էլ Ղարինի պէս մ'նին տասն առնիլով, թամամ  
քանդում ա էս գեղը:

— Ո՛ւր ա, որ միմն էլ դուս գայ ու գրան  
շանաոտտակ անի. ախ...

— Գեղը կգիմանայ, ոնչիշ. թող գհէ անի,  
վերև Աստօժ, ներքև գետինը կայ, Մէջլումի  
ուպտը հալբաթ մի օր էլ գրա դառնը կշոքի,  
առանց էն չի. մեռնեմ Աստու գիւանին:

— Տայ Աստօժ, տայ, որ մ'նի փոխանակ տասն  
ուպտ չոքի գրա որդկերանց դառն առաջը:

— Է՛հ, ապպէր, խրատում շեն, էլի: Էդ ա-



նիրաւները. թող հլէ էն մնին շնորատակ ա-  
նիլուցն էլա վախենան. ամա որ վախըմ չեն:

— Խեղճ կնիկ, հրէ ջրիցը եդ ա գնըմ.  
ողորմելին ջլիս հանգել, հատել ա, տենըմ էր:

— Բաս ինչ կլնի, մի դոլից Գիգինի տղէն,  
մի դոլից էլ Չնթուէլսի տղէն ա նիղացնըմ  
խղղճին:

— Վահ, Չնթուէլսի: Նրան ինչքան ա պարտ:

— Նրանից խեղճ Մէջլումը մի տարի էրկու  
թաղար կորեկ էր վերկալել. չուել մահը, չորս  
տարում վճարեց էրկու թաղար կորեկ, էրկու  
թաղար էլ գարի ու էլի մնացել ա պարտ  
տասը շանաղ գարի:

— Բա հըմի դա էնքան անողորմն ա, որ  
էն տասը շանաղն էլ եթ իմներիցը պահանջըմ ա:

— Օ, մի սև օձ դրա Չնթուէլս ճտովը փը-  
թաթուի, դա Ղարի գէօւբագէօւիցն ու Գիգ-  
նի տղիցն օխտը գղալ էլ աւել անօրէնն ա.  
դրան դուք սնց էք ճնանչըմ, ես հլա վախըմ  
եմ թէ տասի—տեղ տամուհինգ պահանջի:

— Պըլի, արա էտ ինչ անհոգին ա ըլել:

— Հա, եթ իմներից, թէկուզ հէնց վեցն էլ  
միասին կտորվելիս ըլեն, էլի կառնի, չի  
խղճալ:

— Զի խղճալ, դրուտ ա, ամա ընչիցը պը-  
տի առնի. անբաղանի էլած-չէլածը մի պը-

դինձ, մի սինի ու մի դուշա էր մնացել, ընէլ  
հէնց ոլորմածիկ Մէջլումի սաղիբիան վախտը  
պուճախիցը դուս քաշեցին ու, թագաւերի խար-  
ջի խաթեր, կիսագնու ծախեցին, կորցրին...  
էն էրկու գարու ծլարն էլ որ ունեն, ընդոնք էլ  
չել հնձուլը զշերի ու մկների կերակուր են  
դառնալու:

— Դէ լաւ, ես խու իմն ասեցի, դուք էլ  
ձերը, թող ապրենք Աստուծով ու կտեսնենք  
Չնթուէլսի\* տղի անիրաւութիւնը:

## Բ

Ինչպէս որ գաշտը մորեխի գնացած թըւ-  
չունի քաղցած ճուտերը՝ բնի մէջ անհամբեր  
լրենց մօր գալուն ու թնթոցին են սպա-  
սում, ու, երբ նա մորեխը կտցին գալիս, ձա-  
գերը կլափները միասին բաց կալած սվտուցն  
են ընկնում՝ վրա թափուում նրան, կտցիցը մօ-  
րեխը խլում, այնպէս էլ Մէջլումի որբերը,

\* Չնթուէլս կնշանակէ անկարգ լայն բերան  
ունեցող մարդ:

Մէջլումի ձագերն էին անում: Նրանք էլ, երբ մօր վերադարձը նկատում էին սոված ձագերի պէս սվսւոցն ընկնելով, կամ ձեռքին, կամ կռան տակին և կամ փեշին էին նայում, որ տեսնեն, թէ արդեօք մի բան ճարել է իրենց համար:

Ջրի ճանապարհին Սարգիւլի համազիւղացի հարսներից մինը խղճալով նրան՝ իր սկեսրից թագուն մի հաց և մի քանի կտոր պանիր էր բաշխել նրան: Սարգիւլն այդ ողորմութիւնը թագցրած իւր կռան տակ վերադարձաւ խըրճիթը թէ չէ, որբերը գլխին հաւաքուեցին և իւրաքանչիւրը մի կտոր հաց ու պանիր ստանալով, ժպտալէն մէկը միւսին իւր բաժինը ցոյց տալով, սկսեցին ազահուլթեամբ ուտել և երբ կշտացան, այն ժամանակ միայն հեռացան և սկսեցին ուրախ խաղալ խըճիթի շուրջը թափուած քարերի ու խճերի հետ, իսկ Սարգիւլը նորից սկսեց դարդոտ մտքերի ծովն ընկնել ու ընկղմուիլ:

— Ա՛խ, ա՛ սար, ա՛ քարեր, ա՛ ձորեր, ընչի՛ էք սուս կացել, ընչի՛ չէք ասում, թէ՛ ֆնց ա՛նեմ, որ էն տէրամեռ էրկու դարուս ծ'լարը հնձիլ տամ: Ա՛խ, ո՛ւմ դուռը գնամ, ո՛ւմն աղաչեմ, ո՛ւմ ձեռը պաչեմ, ես ո՛ւմ ոտներն ընկնեմ, որ դարդիս դարման անի...

2է. կորան, գարիքս կորան: էլ ճար չի

մնում, առաւօտը վաղ վեր կենամ, էրեխանցս թաթիցը բռնեմ, գեղն ընկնեմ, սրա նրա դըռանը սոված, գոմն արած կովի պէս բառանչեմ, ըստուր ընդուր պունգնոտամ, բալքի ողորման, բալքի մի քանի հնձող տան, — մեն մեհակ, ինքն իրեն խօսելով, Սարգիւլը դիմում էր մթնին:

Երեխայքը տուն ժողովուեցին հետզհետէ և նիհար ու նուազ գառների նման աջ ու ձախ կարպետի վրայ թափուելով, նղղեցին քնի մէջ: Մութը պատեց շուտով և միջատներն ու գորտերն սկսեցին իրենց քստմտոցն ու կռկռոցը:

Խեղճ այրին անվերջ մտածմունքներով, անսահման վշտերով լի և կիսատ-պռատ յոյսերով մտաւ խըճիթը, երեխանցն ուղղեց, ամենից փոքրին գիրկն առաւ ու կողքներին պառկեց. սակայն, չնայելով այնքան յոգնածութեան, քունն աչքերին ամենևին մօտ չէր գալիս: Երեխայքը երազներումն էլ հաց էին խնդրում իրենց անբաղգ մօրից...

Գիրակի լուսացաւ գիշերը, որ այնքան դառն էր ու երկար աղքատի համար: Առաւօտն արեւազալին այրին գլխի պատռոտուն փաթաթանով երեսը ծածկելով, ամօթխածութեամբ, մերկ մանուկ որբը գրկում հուպ տուած ու միւսներին հտեկիցն արած, ակնածութեամբ և

անհամարձակ մօտեցաւ գիւղական ժողովին, խոնարհ գլուխ տուեց բիրտ տանուտէրին ու քեազխուղաներին և մի պատանու բերանով յայտնեց իւր աղերսագին խնդիրը, բայց դեռ չվերջացրած խեղճը, տանուտէրը կոպտաբար հարցրեց նրա թարգման պատանուն:

—Ի՞նչ ա ասըմ, արա, ընչի՞ հրմար ա եկել էդ դանջըդը...

—Տանուտէր, ասըմ ա՛ իմ իրեսը քու ոտի տակը, վերև Աստօծ, ներքև դու, եթիմնիս մնացել են սոված, գարուս ծլարնին էլ հընձիլու, մրուաթ արա՛ միքանի հնձող դուս արա, թող գնան Ասծու սէրը հնձեն ինձ տան, որ քու գեղի անճար խեղճն եմ, հալրաթ՝ թէ մեռնիլ չեմ, սաղ կմնամ, քու լաւթիինն էլ վրէս չեմ թողալ...

—Աղճի, բա հլէ էտքան շնրճուտերը ետեւիցդ արած ըտուր հըմար ես եկել,—այրուն դառնալով, վայրենաբար հարցրեց նա: Իսկ այրին ձեռը կրծքին դնելով, խոնարհ գլուխ տուեց նրան և նորից պատանու ականջին շշնջաց:

—Տանուտէր, ասըմ ա, հրաման քեզ:

—Հա՛, շնորհակալ եմ դրա հրամանքեղիցն, ամա շատ բիմար կնիկարմատ ա: Ախճի, սօ բիմար, դու որ ինձ ասըմ ես արտս հնձող զրկի, ո՞նց զրկեմ, քու արտի հնձիլը մգեար

թագաւորի կոռ ա՛, որ դամշին քաշեմ ու իրաւունք բանացնեմ: Գեղ են, գեղական են, ինքդ գնա դանշանք, պաղատանք արա, թէ կհնձեն, թող հնձեն, էլ իմ կուշտն ո՞ւր ես եկել,—սառնութեամբ պատասխանելով այրուն, դարձաւ դէպի գիւղի քահանան և նրա վկայութիւնը խնդրեց:

—Հը՛, էսպէս չի, տէր բարա:

—Հրաման քեզ, բաս, տանուտէր, ճշմարիտ ես հրամարմ,—այս էլ եղաւ աւետարանի քարոզիչ կոշուած հօր պատասխանը:

—Գնա՛, գնա՛, այ քիրայ, ըսօրայ օրն էն ո՞վ ա գժուել, որ իր ըշխատանքը թողայ ու քեզ համար հունձ գայ: Լի օրն ամեն մարդ իր գործին ա. դէ թէ տէրտէրն իրաւունք կտայ, թող գանք կիրակուց հնձենք արտդ: Հը՛, տէրտէր իրաւունք կայ:

—Ի՞նչ ես ասըմ, էրեխայ խու չես, Ասծու կիրակին կոտրիլ կլնի՞. մեղք ա, անկարելի ա: Երկրորդ յանցանքն աւելացնելով, մեր ժողովրդի սէր տէրտէրը, պնդեց, արգելեց բարեգործութիւնը և արտասուներն աչքերին յեղ գարձրեց յոյսը հատած խեղճ այրուն: Եւ, երբ նա հեռացաւ անմխիթար, յետևիցն էլ այս նախատիւքը կարդացին:

—Ը՛հ, անբան սատանի քած, դէնա՛

1001  
2166



խալխին դէմ անիլու տեղ՝ մի սիւբու (մի հօտաշափ) լակոտ ունես, վեկալ, հաւաքի, տարարադ արա թող քիչ-քիչ քաղեն, էլի: Ղանջղ, հալբաթ դա Սարամանց Գիւլջըհանիցը անգիդ կնիկ ա. հրէ անսաս էրէխէքը տարել արտնարել ա, ու, վուրհալուր քաղըմ, կիտըմ...

Բայց ինչ անէր անբաղդ այրին. իբրև կինարմատ հնձել, մանդաղ բռնել չգիտէր, տանուտէրը բաց էր ասել և տէր բաբան էլ Պիզատոսի պէս ձեռները լուացել, անփոյթ հովուինման հեռու էր կանգնել: Գիւղական ժողովարանից երես դարձնելուց յետոյ, Սարգիւլը նորից փորձ արաւ դռնէ դուռը սրան նրան դիմել: Սակայն, գիւղն անողորմ գարձաւ. ում աղաչում, պաղատում, ում դուռը բաղխում, ոտքները համբուրել, գլխովը ման տալ էր ուզում խաչի մատաղացուի պէս, նրանից էլ նոյն տանուտէրի կոշտ ու կոպիտ պատասխանն էր ստանում:

—Ախճի, իրեսդ ջհուղի իրես շինած քանի գաս, քանի մեզ զահլաքիւշտ անես. մերը թողունք ու գանք քունը հնձէնք. դանջղ, մի տուն լակոտլուկոտ ունես, տար նի արա, թող քաղեն, էլի, — կրկնում էին նրան:

Արգարև, այնուհետև էլ ուրիշ հնար չէր մնում անճարի համար. այնպէս էլ արաւ: Առաւօտները վաղ տրորելով որբերին, խորը

քնից վեր էր թռցնում, ուղած-մրած գարու հացերից մի մի պատառ թաթներին դնում, մի քանի կտոր ու փշրանք էլ պարկումը մէջքին կապում, ու, բորկոտն որբերին հաւի ձագերի պէս ետեիցն անելով, գնում էր Մէջլումի անտէր ծ'լաքը, և, չուլթի նման ձեռները քրտտերին ու փշերին տալով, երեխանց հետ միասին հասկ էր ժողովում նրանց պահպանելու և ամուսնու պարտքի «բուշուխը» վճարելու համար: Բայց ասում էին. «ծիտն ինչ ա, թէ իր եղն ինչ ըլի». ինչպէս և, «կնիկն ինչ, թէ նրա հնձածն ինչ լինի». թէպէտ աջ ձեռն էր շարժում, բայց թւում էր թէ ձախ ձեռով է հրնժում, այնպէս որ, մի ամբողջ շաբաթ անցնելուց յետոյ, կարծես արտը — ծ'լաքն էլի տեղը կանգնած էր, որովհետև հալից ընկած այրին էլ աւել ոյժ չունէր:

Չարաթ երեկոյեան, Մէջլումի որբերը սաստիկ թուլացել, տղաթեւ էին քաղցից: Արտից տուն վերադառնալիս թլացած երեխայքը խաչքարի բաշում փշող թեթև քամուց անգամ ուզում էին թէ վայր ընկնեն: Սարգիւլը տանը հաց չունենալուց բացի, յոյս էլ չունէր մի տեղից: Նա բաշը դուրս գալուց առաջ կարաւի ձորակի բերանից մի քանի թև փիփերթ էր քաղել, ժողովել և փեշումը փաթաթած բերում

էր որ խաշի, որպէս զի այդ երեկոյ երեխանցը նրանով մի կերպ «եօլա» տանի:

Սարգիւլը խաշի բաշը դուրս գալով, յոգնածութիւնից, բլրի վրայ իջած թռչունների նման, իր որբերովը փոքր ինչ հանգիստ, շունչ առաւ: Առաջին անգամ այն բարձր տեղից հեռուում նրա աչքովն ընկաւ մի սպիտակազգեստ ձիաւոր, որ ձին խաղացնելով դէմ յանդիման գիւղից գիւղ էր գալիս: Սարգիւլը նրան տեսնելուն պէս երկնքին նայեց և յուսահատ մրմնջաց.

—Ա՛խ, Աստօծ ջան, ետրաբ էն ձիաւորիցն էլա մի հովութիւն պտի բլի ինձ, թէ հէ անմեղ ա գալի,—ասաց և իջան դէպի խրճիթը, որ աւերակի ու գերեզմանի տպաւորութիւն էր գործում մարդու վրայ իւր դատարկութեամբը: Զիաւորը գիւղը մտաւ:

## Գ

Միւս օրը կիրակի էր. առաւօտեան ժամաւորները եկեղեցուց դուրս եկան և ըստ սովորութեան ոմանք յենուեցին պատերին, ոմանք թառ-թառ եկան դոխազների վրայ և ոմանք

էլ դուրս ածած կոճղերի ու քարակոյտերի վրայ նստոտեցին շարիշար: Այն նիստի մէջ էր նաև սպիտակազգեստ ձիաւորը, որ Գ. գիւղի յարգելի ուսուցիչն էր. նա եկել էր Գ. գիւղումն էլ հայոց ուսումնարան բանալու երանելի խընդիրն արժարժի: Բայց ուսուցիչն այդ մասին դեռ բերան չբացած, յանկարծ գիւղացիներից մինը ցաւագին բացականչումով ամենի, ինչպէս և պատուական ուսուցչի ուշադրութիւնը այրու վրայ դարձրեց: Սկսուեց հետեւեալ խօսակցութիւնը:

—Ո՛հ, մի դէնը մտիկ արէք, է, ա խալխը, էն խեղճ որբըվերին, հրէ-հրէ,—մատնացոյց եղաւ նա քարքրուտ լանջին նայելով...

—Ո՛վվէ, ետրաբ էն սըր ա գնում էն օրը կտրուած ետիրը:

—էրկու խան գարի ա առել մանածով, շալակել տանում ա, որ ջաղացըմն աղի,—յայտնեց մի ուրիշը:

—Վաճճ. խեղճ կլինարմատ, հրէ հրէ, համ գարու պարկն ա շըլակել, համ էրեխէն, համ էլ էն նոր ոտն էլածի թաթիցը բռնել...: Տանջանք ա էլի:

—Ա՛, քանի էրեխայ ունի, մի համբարեցէք հլա:

—Օ՛հ, Սիմօն աղի, էլ ասում ես թէ ինչ

անես. էդ անբախտի տանջանքին ու շրջամունքին իսկի դարման կայ. էրէկ սաղ հանդը թամամ գերեզմանատուն էր շինել—ամեն մի հասկը պոկելիս էնպէս էր մղկըտըմ, էնպէս աղատ աղատ լաց լինըմ, որ մարդի սիրտ կրակ էր տալիս, էրըմ խորովում ու աչքերը փշերով լցնում: «Վայ, Մէջըմ ջան, էս ի՞նչ օրի, էս ի՞նչ հալի ենք». որ ասըմ չէր ու աչքերը սար ու քովին գցում, գլխին խփում ու մազերը ձեպում, հէնց իմանըմ էիր թէ երկնքիցը վրէժ ծծումը ա կաթըմ: Նրա մեղքիցը, նրա աղակտուր ձէնիցն էլ չկարացի գիմացըմը խուրձս կապեմ, անդաճս կալայ ու եալի էն յորն անցկացայ: Վալլահ, ջհաննամը, թէ էս դժար մաջալին բանս մի օրով էլ յետ կընկնի, կիսատ արտս հէնց որ պըծայ, գնալու եմ մի օր էլա քէօմակ անեմ,—դառնօրէն նկարագրելով Սարգիլի սգալի հունձը, խոստացաւ այն աղբատներից մինը, որ շնչասպառ Մէջլումին վաշխառուի արտից տուն էր բերել:

—Ասըմ են խեղճ խամ կնիկը փորձել ա, որ մանգեղով հնձի առանց մատնոցի, կարացել չի ու տուել ա մատները կտրատել (խողխողել). նկատեց մի ուրիշը:

—Դու մատների կտրատելն ես ասըմ, էրեխանց ոտների տակն ասեմ, որ արևի տարուլթե-

նիցը խաշուել, քաշին վերա կացել ու փշերից էնպէս քրքրուել, որ առանց ջանը սուսալու մտիկ անել չի լինըմ:

—Բա հիւանդացել չէն:

—Բա ի՞նչ են արել. Ասուած ողորմի Սամանց պառաւի մուլքերի հոգուն, հիւանդներից էրկաին տարել՝ հրէ իրանց սրահըմը պահըմ ա, շուելը մէրները ջաղացիցը եդ դայ:

—Վալլահ, էդ պառաւը, որ լաւ պառաւ ըլի, հէնց էն տարած էրկուսին էլա հոգեօրդի (որդեգիր) վեկունի, մի բան որ՝ մի շոր գլուխ ա ու էնքան կարողութենի տէր:

—Վեկունի, լաւ պառաւ ա, ամա ասգալանները թողալ չեն, չիմ էլ աչքները տնկած ըսօր էգուց են անում, որ վախտին մեռնի, կարողութենին վրա տան գիլանոնց պէս:

—Եանի իրան ձեռին չի, որ ուզենայ, կանի, էլի:

—Կանի, ամա մի օր չի անց կենալ, գլուխը թուցնիլ կտան, եա թէ չէ, կխեղդեն, կըսպանեն:

—Էհէ Սարգիս, —ժանրաբարոյ հայեացքով նկատեց մի ծերուկ, —պառաւին բան սովրացնելու տեղաբ ընչո՞ւ չէք գո՞ւք քէօմակ ըլլմ, բա գեղ չէք. չէ՞ որ նա էլ ձեր գեղի խեղճն ա. ինձ էք մընըմ, ես խու էս ա ծերացել եմ, էլ

ձեռս մանգեղ շի բռնրմ: Հէյգիտի համ, ափսուս մեր ժամանակ...

—Ապէր, դորթ ես ասըմ, համա ձեր ժամանակն էսքան զըհար (հոգս) շի ըլել, է: Ո՞նց անենք, լի օրն ամենքս մերն ենք հնձըմ, կիրակուց հնձիլն էլ մեղք ա. մի կնիկարմատի համար խու Աստուածադիր օրէնքը քանդելու չենք:

Ուսուցիչ Սիմօնը, որ լուռ լսում ու դիտում էր, այստեղ արդէն էլ չկարողացաւ տանել: Քաղաքում կրթուած, բայց գիւղացի, գիւղի կարիքներին ծանօթ և գիւղատնտեսութեան սիրահար այն պատուական երիտասարդը, որ գիտէր մաճ բռնել, գութնաւորի հետ հօօօլ տալ, ցանել, հնձել և այլն, այնքան դառը նկարագրութիւններից մտրմորուեց, և, մանաւանդ, երբ յիշեց և կրկին մանրամասն կերպով լսեց Մէջլումի մահը և Սաքնի տղի անարգանքը, էլ չիմացաւ, թէ ինչպէս կրակի իւր ագնիւ սիրտը: Նա Ղազարոսի գերեզմանի վրայ արտասուող Յիսուսի նման աչքերն արտասուքի կաթիլներով լցրած՝ սկսեց յուզուել ու խօսել մինչ այն աստիճան, որ գեղջուկներին էլ արտասուեցրեց:

Սուրբ գրքից նա մէջ բերելով հուրթի, նաւումի այրի հարսի խրատական պատմութիւնը,

հեշտ և հասկանալի լեզուով ուշքները կենտրոնացրեց Բաոսի բարութեան, բարեպաշտութեան, մարդասիրութեան և Աստուծոյ արդար վարձատրութեան ու յաջողութեան վրայ. ապա՝ ցոյց տալով գիւղական ամբոխի, մանաւանդ տանուտէրի ու տէրտէրի տգեղ և, Երիբովի ճանապարհին աւաղակների ձեռքն ընկած վիրաւորի մօտից անցնող Ղևտացու ու քահանայի անպատուաբեր վարմունքի նման վարմունքը՝ գէպի անօգնական այրին, յիշեց ողորմած Սամարացուն, բացատրեց Աստուծոյ ս. պատուիրանի, օրէնքի բուն, իսկախան նշանակութիւնը և քաջալերեց բարի լինել, բարի դործել, լսեղճ ընկեր-հարևանին օգնելու ու տեսնելու համարաչքերը չփակել...

—Եզրանք, ինչո՞ւ կիրակի օրը լաւութիւն անելը մեղք էք համարում.— բարձրաձայն և համարձակ գոչեց ուսուցիչը, — ինչո՞ւ դուք Աստուծու օրէնքը ծուռն էք հասկանում և հակառակն անում. միթէ նրա բարկութիւնից ու արդար պատիժներից չէք վախենում...: Նա այսօր ձեզ տուել է առատ արտեր, հանդայսօր ձեզ տուել է առողջութիւն ու յաջողութիւն. ինչո՞ւ նրա աղքատին անօգնական էք թողնում, չէ որ մի օր էլ կարող է ոչնչացնել ամեն ինչ և ամեն մէկիդ էլ այրի Սարգիւլի օրը գգել...

Սրանից էլ մեծ մեղք, որ դուք այսօր պարապ-սարապ այստեղ ժողովուած՝ տեսնում էք էն խեղճ, անճար այրու տանջանքը, որբերի՛քազցը, մերկութիւնը, հիւանդութիւնը, ու, դատարկ, մէջը փուշ օխտը հատիկ խօսքերով էք միայն կարեկցում, ցաւում նրանց վրայ: 2Է որ քաղցածին հաց, նեղացածին օգնութիւն, մերկին շոր է հարկաւոր և ո՛չ թէ լոկ ցաւակցութիւն և արտասուներ...

«Ես կէս սըհաթ առաջ ձեզ հետ միասին կանգնած էի եկեղեցու ներսի պատի տակ, տեսնում էի, թէ դուք սուր-սուր քարերի վրայ (յատակին) ինչպէս էիք չորում, ծունր դնում, ձեռքներդ վեր բարձրացնում, աղօթում— երեսներդ քսում գետինը, սիւններն ու պատերը և խաչն ու Աւետարանը համբուրում մեկայ գոչելով: Բայց ինչ օգուտ այդ ամենից, երբ դուք ձեր տէրտէրի հետ միասին ոչ խաչի զօրութիւնն էք (հասկանում), իմանում և ո՛չ էլ սուրբ Աւետարանի քաղցրութիւնը հասկանում՝ Քրիստոսին խաչող ջնուգների պէս:

— Վա՛մ... — վերջին խիստ խօսքերի վրայ բերանները բաց շնչացին ամենքը:

«Վա՛մ» անելով մի զարմանաք. ով Քրիստոսի խօսքերը չի կատարում, նա էլ է խաչում նրան. քիչ համբերեցէք մտնեմ եկեղեցի և դուրս

բերեմ ձեր սիրով ու մեղայով համբուրած Աւետարանը ու տեսէք, թէ ինչ է գրած կիրակի օրուայ մասին. տեսէք պարապ նստելն է կիրակի, թէ բարութիւն անելը»:

Նա շտապով մտաւ եկեղեցի, Ս. Աւետարանը գրկած դուրս բերեց և Մատթէոսի ԺԲ գլուխը բանալով, մի փոքրիկ յառաջաբանով սկսեց նորից:

«ՉՆուգներն էլ էին ձեզ պէս սխալ հասկանում: Կիրակի օրը ո՛չ կրակ էին վառում, ոչ եփում, ոչ հնձում և ոչ հաւաքում. մինչև անգամ, եթէ մէկի տունը կրակ էր ընկնում, չէին հանդցնում, թէ՛ մեղք ա, Աստուած ասել է, որ պէտք է կիրակին սուրբ պահել հանգստանալով: Մի կիրակի օր Քրիստոսի առաջ կանգնած էր մի մարդ, որի աջ ձեռք զանում ոչ հնձել և ո՛չ փնջել իր օջախի, իր դանում ոչ հնձել և ո՛չ փնջել իր օջախի, իր որդոց համար: Յիսուսը խղճաց քօտտին և ա՛մենի առաջ չորացած ձեռքն առողջացրեց: մենի առաջ չորացած ձեռքն, ազազակեցին թէ՛ «մի՞թէ կիրակին կարելի է կոտրել, ինչու ես մեղք անում»: Յիսուս պատասխանեց և հասկացրեց թէ՛ «կիրակին չէ՛ մարդու տէրը, հասկացրեց թէ՛ «կիրակի օրը լաւ բան մարդն է կիրակու տէրը»։ կիրակի օրը լաւ բան պէտք է անել և ոչ թէ չար. «կիրակի օրը մարդ չպէտք է կորցնել, պէտք է ապրացնել»:





շաբթի գաշտային եռող աշխատանքների պատ-  
ճառով գիւղում մարդ գտնել չէր կարելի: Ժո-  
ղով գումարել, համախօսական թուղթ կազմել էր  
հարկաւոր: Նա ջանք արաւ իւր այդ օրուայ  
օրինակելի բարեգործութիւնը միայն կատարեալ  
անել: Նա շտապեց լծկան ունեցող մի քեադ-  
խուղի մօտ, հանեց իւր ուսուցչական աղքատ  
գրպանից մի քանի կոպէկ վարձ առաջարկեց  
նրան, որպէսզի հինգ օրով մի լուծ եղը տայ  
այրուն կալսելու իւր գարին: Քեադխուղան  
ամաչեց կոպէկները վերցնելուց և խոստացաւ կա-  
տարել նրա խնդիրը. այնուհետև նա հեծաւ  
իւր ձին և խաղաղ սրտով վերադարձաւ Գ.,  
դասերը շարունակելու:

Այրին երկուշաբթի ուզովի լծկաններով իւր  
հարիւր ու ութսուն գարու խուրձը կալսել  
սկսեց և երեք օրից յետոյ վեց թաղար (մօտ  
40 փութ) գարի հանեց: Սակայն, դեռ գարու  
փոթխը նոր էր քամել, երբ պարտատէրերից  
մինը ջուալն ուսին գզրի հետ միասին կանգ-  
նեց այրու գլխին և լիուլի չափելով, տարաւ  
իւր փողի շահի տոկոսների տոկոսը:

Անգօր Սարգիւլը, եթէ ընդգիմանալ էլ կա-  
րողանար, էլի չէր ցանկանում, որովհետև ա-  
սում էր. «գլուխն 'ի քարը, թող մի խան էլ  
աւել տանի, միայն ժանգ ու ժէն չանի՝ ուշունց

չտայ խեղճ ու նաչար մարդիս չորացած կար-  
կփին»...

Այն օրից անցաւ տասից տասնուհինգ օր,  
բայց Սիմօն վարժապետն էլ չերևաց Կ. գիւ-  
ղում. պատճառը շատ տխուր էր. նա իւր ար-  
դէն բաց դպրոցի մասին թուղթ էր ստացել,  
որ... պիտի փակեն յունուարին...

— Տղերք, վարժապետը չլինի թէ հիւանդա-  
ցաւ, էս խի չի էրևաց,— յիշեց մէկը:

— Էլ չի էրևալ,— տխրութամբ ասաց մի  
ուրիշը:

— Ընչի:

— Ամակը ջուրն են գցել, ինչի:

— Ո՞նց թէ...

— Յուսումարանը փակում են, վերևիցը խա-  
բար ա եկել:

— Ո՞րտեղից:

— Վերևիցը...

— Վաճճ... թո՛ւ հա՛...

— Խեղճ վարժապետ, իրանն էլ փակում են,  
նա հլէ մերի գարդն էր քաշում, որ գայ,  
բաց անի:

— Դրուստ ա, որտեղ պատահում էր ինձ,  
մի գլուխ հէնց էն էր միւննաթ անում, որ գե-  
զովի աշխատենք, մի շինութիւն շինենք յուսում-  
նարանի համար: Խեղճը լաւ էր կպել, ամա՛...

չուզողի տունը քանդուի, խափանեց բանը...

—Մենակ մեր բանը խափանեց. խեղճը մ'ուալու ա առանց զոննուղի (ծառայութեան):

—Մնալ չի, անպատճառ տէրտէր կգառնայ:

—Օհ, էրնաք չի ըլիլ, որ դառնայ ու գայ մեր գեղը:

—Հի, մթամ իրենց գեղացիք բաց կթողան. հէնց սիրըմ են, ոնց որ իրանց աչքի լիսը:

—Բա ինչ կանեն. բաս սիրիլ չեն էն-թավուր հոգոնն. տեսմք, ինչպէս քարոզեց, ինչպէս խղճաց Սարգիւլի վրայ. ուղիլ չէք, որ էնդայդի մի խղճմտանքով ու հասկացող էրէց էլ մենք ունենանք:

—Հա՛, ես ու իմ Աստօծը. թամամ Աստօծ դառաւ էլի, խեղճ որբըվերու համար:

—Տղերք, որբըվերի ասեցիք, միտս ընկաւ. բա դուք ըրմանըմ չէք, որ աչքից մազ քաշող Գիգլինի տղէն էսքան համբերըմ ա՛:

—Ինչի համար:

—Ախր փողի շահիցը մնացած գարին առնըմ չի, է, եթիմներիցը:

—Բալքի սիրտը խնամք ա ընկե՛լ:

—Ղոթ. էս ո՛նց ա, էս ո՛ր խաչիցն ա, որ սուս ա կացել:

—Վալլահ, մենք հէնց դրան էինք զահրըմ, թէ անօրէն ջհուզ ա. տեսմք Չնթուէխի տղին,

ըսկի թողեց էլ ոչ, թէ խեղճը գարին քամի, գարմանիցը հանի. ձեռաց գնաց ու հոգիառի պէս գլխին կաղնեց:

—Ես իմ Աստօծն, Արթին ապի, Գիգնի տղէն եթէ որ գարին բախշի, մենք ջլիս կըրմանանք, հիւշ ու մաթ կմնար:

—Ընչի էք մաթ մնըմ, խի, նա հոգեղէն չի. բալրի սիրտը թրահմ ա ընկե՛լ:

—Էէ... ո՛չ հաւատամ սուտ Քրիստոսին: Հա, եթէ Սիմօն վարժապետի քարոզները քիալլումը մտած ըլեն, էգ զիտամ ո՛չ, թէ չէ, նա մի բուռը վարու համար իր հօրը գերեզմանիցը հանող մարդ ա,—վճռապէս նկատեց մէկը:

Ստացուած գարին թէպէտե հինգ-վեց ամիս թուով էլ հինգ-վեց որբերին հազիւ պիտի բաւականանար, թէպէտե հատնելուց վերջն էլ գարձեալ մութացկանութիւն էր սպասում նըրանց, սակայն այրին գոնէ մի առժամանակ շունչ պիտի քաշէր հացի պակասութեան վրայ մտածելուց: Երեխաներն այլիս չէին սզում հացի համար: Ուտում էին գարին ու դռներին խաղում, թէպէտ էլի մերկ էին նրանք ու միսները բաց:

Սարգիւլը, ճախարակը կողքին ու սանդերքըն առաջին, ամբողջ օրը դրանք ծառի տակ կամ գոլում, մանում էր սրա նրա համար և

կամ ասեղը ստղնցումը հուզ տուած արխա-  
լուդներ ու շուխաներ էր կարում, քղում, որպէս  
զի մի քանի կոպէկ ժողովելով, թէ նրանց և  
թէ իւր մերկութիւնը ծածկի. իսկ երբ մըթ-  
նում էր, ահից ու երկիւզից խեղճը ներս էր  
ժողովում ամեն ինչ և պինդ փակելով «Գոր-  
տան բնի» դուռը, պատսպարում էր այնտեղ, ուր  
դեռ շատ և շատ փորձանք էր սպասում նրան:

## Ե

Մի երեկոյ բացի լուսնի խաւարումից, եր-  
կընքի այնքան բազմաթիւ ու պայծառ աստ-  
ղերն ևս, հորիզոնի շուրջը վաղուց դէզ-դէզ  
եղած ամպերը երեսներին քաշելով սև սաւանի  
պէս, այրու գիշերը այնքան մթին, այնքան  
ակնակուր էին դարձրել, որ մարդ շարժուելիս  
կարծում էր, թէ աչքերը կապած է ման գալիս:

Ակնակրի մէջ այրին նոր ննջելու ժամանակ  
առաջին անգամ մի խուլ և կասկածաւոր խըշ-  
տոց էր լսել դուրսը: Ուստի առուած եղած ա-  
կանջ դնելով, սպասում էր, թէ ինչ պիտի լի-  
նի այն խշտացնողը:

Խշտոցը մի քանի վայրկեան դադարելուց  
յետոյ, նորից կրկնուեց:

—Ա՛. սա ատուկ թուրք պտի բլի,— ծի-  
ծը մանկան բերանից խելով, երկիւզածու-  
թեամբ գլուխը վեր քաշեց տեղից և ինքն իրեն  
հարցրեց:

—Լա՛ւ. էս խու երկնքին էլ ա յայտնի վի-  
տնքին էլ, որ կոկալմս հինգ թաղարուկէս գա-  
րուց ու մի կոծկած դորակից սավահի ուրիշ  
ոնչիչ չունիմ. ախր ով որ ա, անիրաւն ուր  
ա գալի, միտքն ինչ ա,— կրկնում էր նա,  
փոքր ինչ շունչն իրեն քաշելով ականջ դնում  
գողգողալէն, և նորից շնջում շփոթուած:

—Ա՛խ, տէր իմ Ասուած, եարար էս ինչ  
բան ա, գազան ա, թէ մարդ, որ գալիս ա,  
գալիս, սուս կենում, խշտացնում, ծէնը կտրում  
ու էլի խշտացնում... 2է, սվ, ինչ էլ որ լինի,  
խաբսը տալով ա գալի հալբաթ, որ դուռս  
կոտրի ու ներս մտնի: Ա՛խ, ինչ անեմ, Աստ-  
ւած. թէ տեղիցս ժաժ գամ, գուռը կամաց  
բաց անեմ ու գնամ հարայ տամ, վայ թէ ին-  
սանաթ չլնի ու, ես զբաղ ըլելուց ետը, գայ  
էրեսանցէս մնին ես էրկսին առնի ու փախ-  
չի: Հը՛, մարդ կլնի, թէ քալթառքուտի (մար-  
գազէլ)....

Երկիւղը հետզհետէ և՛ գորանում էր Սար-

գիւլի սրտում և միևնոյն ժամանակ, կարծես, քաջացնում նրան խելագարի քաջութեամբ:

— 2է, տեղիցս ամենևին ժաժ չեմ գալ. թո՛ղ, ինչ որ գրած ա ճակատիս, հալբաթ ընէլ պէտք ա քաշեմ: Էս հա դուռս ա համուում. թէ կուզէ գնդան ըլի, թէ կուզէ մարդնշուն, էլ մտիկ չեմ անելու, կառիլ պտեմ. հօ թողալու չեմ, որ նամուսս ծախուի ու անրմս կտարուի սաղ գեղի մէջ....

Վճռականապէս ասաց Սարգիւլը և երկիւզից արիացած՝ մի փայտ ձեռքը պցելով, կանգնեց դրան յետևը և սպասեց մօտեցող վտանգի հետ մարտնչելու:

Խորամանկ եկողը մի առ ժամանակ լռել էր դուրսը և անշարժ կանգնել: Այրին այլևս ձայն, շունչ չէր լսում: Նա սկսեց կասկածել:

— Անպատճառ էն անիրաւ շան տղէն էր. հալբաթ շնութենի էր գալիս, հալբաթ տեսաւ զլիսի եմ ընկել, եդ դառաւ ու կորաւ: Հն, անպատճառ նա էր, նա՛, որ հլա մարդիս կենդանի վախտն էլ էր ուզում անըմս խայտառակ անի, — ձայնի, չիկոցի ու խշոցի ընդհատուելուց այրին առժամանակ խաղաղուեց, սրտի բարբախումը դադարեց. սիայն, փայտը ձեռին դեռ պատրաստի կանգնած էր:

Այդ միջոցին թշնամին գոլի քայլուածքով

մօտեցաւ դրանը, ձեռքի լծակը դրան տակը ձգեց, կրնկահան արաւ դուռը և հէնց ուզում էր ներս լինել ու մթուժեան մէջ կոխ առ որբերին, Սարգիւլն այնպիսի աղեկտուր ճիշտ արձակեց, որ կարծես թէ թունաւոր օձերը յանկարծ ծոցը թափուեցին:

— Անամօթ, անասունձ ու անհոգի, կողալս որ անտէր ես տեսնըմ, բա նամուսը՞ս....

— Սո՛ւս. Սարգիւլ, սո՛ւս, պարտքդ քեզ կը բախշեմ, — լաւում էր մթուժեան մէջ, դրան առաջ:

— Ասըմ եմ յնդ գառ:

— Սա՛մրդիւ... — աղաչում էր նա մտերմանալ աշխատելով:

— Ե՛դ գառ, անիրաւ, թէ չէ ճակատդ քալակի նման մէջ տեղիցը փեղք կանեմ էս սըհաթին:

— Սարգիւլ, անգաճ կալ ինձ. քեզ հըմար մի գերիայ էլ կառնեմ, մի շալ էլ: Սո՛ւս, էր կուսս էլ բիրտուռ կլննը գեղի մէջ. լաւն էն ա, որ դարուլ կենաս... — աղաչում, կրկնում էր նորից:

— Ձնութենի եկած չուն. այ քեզ կամաց խօսալն ու դերիան, — սիրտը պատռելու շափ աղաղակից բարոյական այրին, ձեռքի փայտը պտտեց ու շրթակալէ վրն բերեց և՛, տուր թէ

կտաս Գիզնի տղի գլխին, որը շփոթուած անսպասելի հարուածից, ետ փախաւ:

Այդ միջոցին գիւղից արթնացողները գլուներէն ձայներ լսուեցին և ոմանը նրանցից արդէն օգնութեան էին գալիս, իսկ հաստոմարմին Գիզնի տղէն, քոռ ու քաւթառ արջի նման, ապառաժուտների բեկորները փլելով ու խախտացնելով, դորուոյ կոճղի նման իրեն արդէն բաց էր թողել գէպի ներքի ձորը, ուր և անյայտացաւ խաւարի մէջ:

Ձները ոռնում էին:

Հարան արդէն ընկել էր գիւղը. վշտալի այրին իւր կանացի սրբութիւնը պաշտպանելով, վերևից քարեր էր գլորում անբարոյականի ետևից, իսկ երեխաներն արթնացած՝ երկիւղից գողգողալով, խրճթի պատերի տակ ճշում էին սարստփահար եղած:

— Գնա՛, անիրաւ թուլաբասան, հալըաթ մի սև օր էլ քու կնիկին իմ օրին կհասնի Աստըծով... Արջ Գիզնի տղի հտեից ապաղակում էր այրին, որ շտապով յետ դառնալով, սկսեց սիրտ տալ երեխաներին, թէպէտ նրանք այնուամենայնիւ քնահարամ եղած, երկիւղած աչքերով շարունակ նայելով իրենց մօրը, օճորքին ու շէմքի մթութեանը, հարցնում էին նրան.

— Նանի ջան, էն ով էր. գող էր, նանի

ջան, թէ գէլ է՛լի կգայ: Նանի, արի իմ կուշտը, վախում եմ...:

Այսպէս անցկացրին մինչև լուսանալը:

## Զ

— Ախպէր, գիշերս էն խեղճ որբը վերուն էն անց անիրաւն էր, որ նըճէ նեղացնում էր, բա չիմացա՞ք.....

Լուսաբացին իրար պատահող գիւղացիք հարցնում էին միմեանց, թէպէտև ամենքն էլ գիտէին, որ այրու գուռը փեղքահան անողն անպատճառ Գիզնի տղէն էր: Գիտէին, որ վերջինս միքանի տարի քաղաքներում քաշ գալով, հմտացել էր գիշերնուկութեան արհեստի մէջ աւելի, քան թէ մի որևէ շնորք էր ստացել այնտեղ:

Կիրակի առաւօտեան, այրին, փոխանակ ուրիշ բաղբաւոր կանանց նման խաղաղ սրտով ժամ գնալու, ալօթելու, սևասրտած, վշտերին մի նոր վիշտ էլ աւելացած, գիւղի նոյնպիսի անբարոյական տանուտէրին գանգատ գնաց:

Գիւղական դատարանի գլխիւրը, որ տանու-

տէրի առաջ, ճիպոտը ձեռին, միշտ սատանի պոչի նման ցցուած էր լինում ու ջրիպիպիկ ծախ պոչի նման տմբտմբում, այրուն նկտտե-  
լուն պէս մրթմրթաց.

— Ըհըն, հրէ էլի լակոտնին հրաքած գա-  
լիս ա:

Այնուհետև ամենքը նայում էին դէպի այրին:

Այրին մերկ մանուկը հուպ տուած գրկում, գլխի պատռոտուած փալասով երեսը ծածկած կիսով չափ, ամօթխածութիւնից հալ ու մաշ լինելով, մօտեցաւ դատաւորներին, կանգնեց տանուտէրի առաջ, և շխօսքանութեան պատճառով էլի մի պատանու բերանով արտասուեահեղձ ձայնով արաւ իւր դառը գանգատը: Բայց դեռ չվերջացրած խօսքը, տանուտէրը հեզնարար հարցրեց լծարգման պատանուն:

— Ա՛ տղայ, էդ ի՞նչ ա փնթփնթըմ էդ որբը-  
վերին, ի՞նչ ա ուզըմ էլի. գահրուամար գարիքը  
խու հնձուեցին...

— Տանուտէր, ասըմ ա՛ գիշերուաս կիսին  
Գիգինի տղէն եկաւ մեզ սրտաճար արաւ...

— Սրտաճարը ո՞րն ա, աղճի, — ժպտալով  
ու աչքով անելով, հարցրեց նա:

— Ասըմ ա՛ եկաւ, որ... կոկալս մտնի...

— Ետո՞յ. հըմի ի՞նչ ա կամենըմ, ի՞նչ ա ու-  
զըմ, — էլի հեզնօրէն հարցրեց նա:

— Ասա, գլխովդ պտիտ գամ, ուզըմ ա, որ  
կանչէք դիւան/անէք:

— Լաւ. որ ուզըմ ա, կկանչեմ, միան, եթէ  
կարենայ ո՛չ հաստատի, իրան խիստ կպատը-  
ճեմ: Արա՛, Թո՛մաս, գնա Գիգինի տղին կան-  
չիր. ասա տանուտէրը քեզ վռագ ուզըմ ա,  
ա՛րի, — հրամայեց գզըին և ժպտալով գառնա-  
լով այրուն, հարցրեց. — «աղճի, ճնանչեցիր,  
նա էր դուռդ փերթահան անողը»: Այրին գըլ-  
խով արաւ:

Գզիրը մի քանի բոպէից յետոյ բերեց և  
ներկայացրեց մեղադրուողին: Գիգինի տղէն  
հեռուից խէթ-խէթ նայելով այրուն, եկաւ մօ-  
տեցաւ տանուտէրին և իրեն այնպիսի դիրք  
տուեց, որ կարծես թէ բոլորովին անմեղ տե-  
զից զրպարտելիս լինէր. և իբրև նեղացած,  
բարկացած և վիրաւորուած, հարցրեց:

— Պարոն տանուտէր, ինձ ինչի՞ համար էք  
կանչել:

Տանուտէրը մտերմական հայեացքով և խո-  
րամանկ ժպիտով նայելով նրա մեղաւորութիւ-  
նը թագցնող աչքերին, սկսեց հարց ու փորձ  
անել:

— Ա՛, Սէրոբ աղայ, քշերիս խի՞ ես գնացել  
էք հարսի կոկալը մտել. ինչ շունդ էր կատա-  
ղել ընտեղ, որ հըմի շառուշուռի մէջ ես ընկ-

նում: Գլխում չի, որ որբը վերու շառուչիլ թախն անպակաս կլինի:

— Վահ. վն, գրուստ որ շառ ու շիլ թախ: Ի՞նչ կոկալ, ի՞նչ մոկալ: Գրա կոկալն ըսկի գորտըն էլ չի սիրտ անում, որ մտնի, էնպէս հոտած ա, ես ի՞նչ ունեմ էնտեղ:

— Ես էլ գիտամ, որ դու լայեազ չէիր անիլ, միայն հսկանում չեմ, թէ շառով տալու պատճառն ինչ ա:

— Ասեմ պատճառը: Պատճառն էն ա, որ դա ինձ մի քանի խան գարի ա պարտ. մի իրիկու գնացի պահանջեցի, չուզեց. որ տայ, հրմի շառով ա տալի հալբաթ, որ գարիս շառնեմ:

— Հն. լաւ, հսկացայ: Աղծի, ս անզգամ, բա հմանչըմ չեմ. մարդը եկել, մարդավարի քեզանից իրան առնելիքն ուզել ա, հրմի դու եկել ես, թէ՛ կոկալս մտնու: Գէ կորի. կորի, լակոտներդ քաշի, կորիք էստեղից. անզգամ...

— 2է, տանուտէր, ես դրանով պաւական չեմ. երբ որ էդպէս ս, պէտք ա հրամայես, որ, առաջինը՝ գարիս տայ էսսըհաթին, վրա էրկուսն էլ պէտք ա սուտ խօսալու, շառով տալու համար ես շտրմի տայ, ես մի օր դալա նստի,—պահանջեց Գիգնի տղէն:

— Չատ լաւ, էդ էլ եկող կիրակի կա-


նենք, թող էս անգամ գնայ, կորչի,—պատասխանեց տանուտէրը և թղթերը շուռ ու մուռ տալով, անցաւ աւելի իւզոտ վէճերին ու բողոքներին: Իսկ, թէն անհամարձակ, բայց այրին պահանջում էր, որ Գիգնի տղի գլխարկն վեր առնեն գլխիցը և տեսնեն, թէ գլխին հասցրած վէրքն ինչպէս է հաստատում իւր արգար բողոքը:

— Գորիք, անարձու, լաշառ, անզգամ, թէ չէ, վեր կկենամ էս սազ գեղի կնիկը վրէդ թամաչա կբերեմ: Արա, տանք, վզակոթին տալով հեռացրու էստեղից,—տանուտէրը հերքոտելով, հրամայեց գզրին, թէն Գիգնի տղէն այրու պահանջից կարմրատակել էր բոլորովին և լուր:

— Տղերք, լսել էք, որ ասել են, թէ կաշառը մուծը տեղը լին ա տալիս. Գիգնի տղիցը գատ ա կուլ տուել, այ,—իրար աչքով անելով, ցածրաձայն նկատում էին այս և այն կողմից:

— Անպատճառ...

Սառնասրտութեամբ վկայում էր ժողովուրդը, իսկ անարգուած այրուն կոպտաբար հրելով գզիրը, հեռացնում էր Մոռացուած այրխարհի դատարանի շէմքից...





ՀՀ Ազգային գրադարան



NL0348922

44160

ՀԵՂԵՆԿՈՒԹԻՒՆՆԵՐԻՑՍ ԼՈՍՍ ՆՆ ՏԵՍԵԼ ՆԻ ՎԱՃՈՒԻՈՒՄ ՆՆ.

1. Մոռացուած Աշխարհ գիրք Ա. . . . .	Ռ. 4.
2. Մոռացուած Աշխարհ գիրք Բ. . . . .	— 60
3. Մոռացուած Աշխարհ գիրք Գ. . . . .	— 10
4. Ադա ս. Սարգիս գիրք Ա. . . . .	— 15
5. Աղբատի Հալը . . . . .	— 25
6. Գիւղի այրին . . . . .	— 15

ՏՊԸԳՐՈՒԹԵՆ ՎԵՐԱ ՊՈՏՐԱՍ ՆՆ

1. Մոռացուած Աշխարհ գիրք Գ.
2. Մոռացուած Աշխարհ գիրք Ե.
3. Ծիրինանց Նախշունը
4. Անվէղար վարդապետը
5. Ս. Սարգիս (պատմականը)
6. Աղբատի խաչը
7. Կարկուտը գիւղում
8. Աղբատի ձմեռը
9. Ուստա Գլոն եւ նրա համբարը:

Գինն է 15 ԿՈՊ.

Հարկւրով գնողներին 25% կէջումն:

Գիմն—Թիֆլիս, Միքայէլեան փողոց, Կուկից ս.  
 Աստուա-ճամբն (Թամպոյեան) սկզբնցու միայն  
 ՅԱՐՈՒԹՈՒՆ ԶԱՏԱՆԱՏ ԺՈՒԳՈՅՈՒՄՆԱՆ:

891.99  
 2-97